



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Posebni odjel za ratne zločine
Broj: **T20 0 KTRZ 0003721 16**
Sarajevo, 20.01.2026. godine

SUDU BOSNE I HERCEGOVINE
-Sudiji za prethodno saslušanje-
Na broj: S1 1 K 053646 25 Krn
S A R A J E V O

Na osnovu članka 35. stavak 2. točka i), članka 226. stavak 1. i članka 227. Zakona o kaznenom postupku Bosne i Hercegovine (ZKP BiH), *p o d i ž e m*:

O P T U Ź N I C U

Protiv:

1. **KELEŠTURA MENSUD**, rođen 1959. godine u Gornja Vraca, grad Zenica, državljanin BiH,
2. **JAŠAREVIĆ HAZIM**, rođen 1953. godine u Preočici, općina Vitez, državljanin BiH.

Zbog postojanja osnovane sumnje da su:

Za vrijeme ratnog stanja i oružanog sukoba u Bosni i Hercegovini između snaga Armije Republike BiH (A R BiH) i Hrvatskog vijeća obrane (HVO), suprotno pravilima međunarodnog humanitarnog prava i to odredbama članka 3. IV Ženevske konvencije o zaštiti civilnih osoba za vrijeme rata od 12. kolovoza 1949. godine, članka 51., 57., i 85. Dopunskog protokola I uz Ženevske konvencije od 12. kolovoza 1949. godine o zaštiti žrtava međunarodnih oružanih

sukoba i odredbi članka 13. Dopunskog protokola II uz Ženevske konvencije od 12. kolovoza 1949. godine o zaštiti žrtava ne međunarodnih oružanih sukoba, **Mensud Keleštura** u svojstvu zapovjednika 325. brdske brigade (bbr.) Armije RBiH i **Hazim Jašarević** u svojstvu komandira Brigadne artiljerijske grupe (BrAG) u sastavu 325. bbr Armije RBiH sudjelovali u artiljerijskom napadu na civilno stanovništvo, tako što su:

Dana 10. lipnja 1993. godine između 20 i 21 sat, **Mensud Keleštura** u svojstvu zapovjednika 325. bbr. Armije RBiH, naredio potčinjenoj mu artiljerijskoj jedinici (BrAG) u čijem sastavu su bili minobacači kalibra 120 milimetara (mm) koji su bili locirani na lokalitetu Podlazine, općina Vitez, u zoni odgovornosti 325. bbr. Armije BiH, da izvrše napad na civilno stanovništvo prigradskog naseljenog mjesta Podgradina, općina Vitez, naseljenog gotovo isključivo civilnim stanovništvom hrvatske nacionalnosti, iako je bio svjestan da taj napad, izveden u vrijeme primirja i u naseljenom mjestu može dovesti do stradanja civila, prihvatajući takvu zabranjenu posljedicu a koju naredbu je izvršio njemu podređeni **Hazim Jašarević**, komandir Brigadne artiljerijske grupe (BrAG) preko sebi potčinjenih pripadnika artiljerijske jedinice, iako je sa dominantne kote Prelac, općina Vitez, na kome se nalazila osmatračnica imao neposrednu vidljivost cijelog grada Vitez i prigradskog naseljenog mjesta Podgradina, te također znao da se ne radi o vojnom cilju i da može nastupiti posljedica za civilno stanovništvo, na što je pristao, pa su tako njemu potčinjeni pripadnici BrAG-e ispalili jednu artiljerijsku minobačku minu kalibra 120 mm, sa lokaliteta Podlazine, općina Vitez, koja je pala između obiteljskih kuća na dječije igralište zv. „Kod koša“, među djecu koja su se tu gotovo svakodnevno igrala, kojom prilikom je usljed eksplozije mine smrtno stradalo osmero djece i ranjeno još petero djece hrvatske nacionalnosti tako što je na licu mjesta smrtno stradalo petero (5) djece i to: „{...}“ da bi tijekom noći sa 10.06.1993. na 11.06.1993. godine od posljedica ranjavanja nastalih eksplozijom te mine preminule „(...)“ kao i „(...)“ sestra stradalog „(...)“ koja je od posljedica ranjavanja preminula 24.06.1993 u Kliničkom bolničkom centru (KBC) Split, Republika Hrvatska, a ranjeni su „{...}“.

Čime bi osumnjičeni Mensud Keleštura i Hazim Jašarević počinili kazneno djelo iz članka 173. stavak 1. točke a) i b), u vezi sa člankom 180. stavak 1., a sve u skladu sa člankom 29. Krivičnog zakona Bosne i Hercegovine.